

Hó-miā ê Gín-á-sî

Ông Siok-tin

Jòah--lâng jít chhiâ-sai ê ē-po-sî

> g-liâng ê têng-á-kha

Góa phak tī A-má ná iô-kô ê kha-thúi phāng

A-má chho-chho un-jiû ê chhiú-chéng-thâu-á

Tī góa ê kha-chiah-phia<sup>n</sup> khòk-khòk-pê

Pê--á pê--á pê

1-chiah 1-chiah ê pùi-á-thâng

<-chai cháu tó chhang

Pê--á pê--á pê

Aì-khùn-sîn lâi hioh tī góa ê bák-chiu chêng

Ke-á-lō ê chhia-sia<sup>n</sup>

Têng-á-kha ê kha-pō-sia<sup>n</sup>

Jú lâi jú sè-sia<sup>n</sup>

Jú lâi jú sè-sia<sup>n</sup>

Kôa<sup>n</sup>--lâng ê chái-khí-sî

Tiàm-thâu êng-chheng-chheng

---

Lâng-kheh iáu-bē lâi kàu-ūi

A-kong chē tī sū-bút toh-á chêng

Góa peh chiū<sup>n</sup> A-kong ná liu-lông ê sin-khu téng

Chit-pêng khàng

Hit-pêng nòng

Cháu-chhōe A-kong piàn bô--khì ê gō-kak-gîn

Giáp tī chhiú-chéng-thâu-á

Chhang tī chhiú-ńg--níh

Seh tī hī<sup>n</sup>-á āu ê gō-kak-gîn

Kong-sun-á 2-lâng ê chhiò-sia<sup>n</sup>

Thàng kàu chhia-lō kî<sup>n</sup>

Chhiu-thi<sup>n</sup> ê tiong-tàu sî

l-chūn tēng-tauh a-peng-ko ê phôe-ê sia<sup>n</sup>

Khip-ín góa ê bâk-chiu sîn

Iá<sup>n</sup>-tiōh l-ê siàu-liām ê hêng-iá<sup>n</sup>

Góa hèng-hūn ê sim-chêng bô hoat-tō am-khàm

Hòng-sàng kui chhù-keng

Tōa-hàn a-chek tóng--lái--lah

---

Tōa-hàn a-cheok tíng--lái--lah

Kau-chhiāng tōa-hàn ê Sa<sup>n</sup>-chek..a

Ná khan-chhiu ê siang-chhiú

Kā góa phō kōan-kōan

Góa chhin-chhiū<sup>n</sup> 1-chiah hui-hêng-ki

Tī thian-pōng-ē

Poe kōan poe kē

Poe kōan poe kē